



СИБЭТИЭЙ ПАВЕЛ АПОСТОЛ ГАЛАТИЯ ХРИСТИАННАРЫГАР ИЛДЫТ СУРУГА

1¹⁻² Галатия* церковтарыгар — дьон быһаарытынан да, киһи көнүлүнэн да буолбакка, Иисус Христос уонна Кинини өлбүт-тэртэн тилиннэрбит Аҕа Танара көнүллэринэн Апостол буолбут Павелтан уонна манна миигин кытта баар бырааттаргытыттан барыларыттан.

³⁻⁴ Аҕа Танараттан уонна биһигини бу хара дьайдаах үйэттэн өрүһүйэн, аһыыбытыттан босхолоору, Бэйэтин толук биэрэн Аҕа Танарабыт көнүлүн толорбут Иисус Христос Айыы Тойоммутуттан** эһиэхэ бары илгэлээх үтүөнү кытта эйэ-ил тосхойо туруохтун! ⁵ Киниэхэ үйэттэн үйэҕэ албан аат! Аминь.

Атын Евангелие суох

⁶ Эһигини Христос илгэлээх үтүөтүнэн ынырбыт Танараттан*** итинник чэпчэкирик атын илдьит тылга көһө охсубуккутун сөҕөбүн эрэ. ⁷ Атын Евангелие диэн суох эбээт, арай

* 1:1-2 *Галатия* — киин Европаттан көһөн кэлбит, кельт уонна галл омуктары кытта уруулуу галаттар олорор уобаластара.

** 1:3-4 *Аҕа Танараттан уонна... Иисус Христос Айыы Тойоммутуттан* — сорох былыргы гректии илиинэн суруйууга «Аҕа Танарабытыттан уонна... Иисус Христос Айыы Тойонтон».

*** 1:6 *Христос илгэлээх үтүөтүнэн ынырбыт Танараттан* — сорох былыргы гректии илиинэн суруйууга «Бэйэтин илгэлээх үтүөтүнэн ынырбыт Танараттан».

Христос Евангелиетын токурутуохтарын баѳаран эһигини ай-мааччылар бааллар. ⁸ Ол эрээри ким да буоллун, — биһиги бэйэ-битинэн эһиэхэ кэлэн дуу, Халлаантан Аанһал көстөн дуу, урут үөрэппиппиттэн атыны үөрэтэн киирэн бардаҕына, киниэхэ анафема буоллун! ⁹ Урут эппиппитин билигин эмиэ хатылаан этэбин: эһиги ылыммыккыттан атыны үөрэтээччигэ — анафема.

¹⁰ Туох дии саныгытый, мин билигин дьон биһирэбилигэр дьулуһа сатыырым буолуо дуо, Танара биһирэбилигэр дуу? Дьонно бэрт буола сатыырым буолуо дуо? Билингэ диэри дьон санаатын таба сатыырым эбитэ буоллар, Христос кулута буолуом суоҕа этэ.

Апостол буолбутун туһунан

¹¹ Бырааттарым, эһиги билиэххитин баѳарабын: мин эһиэхэ иһитиннэрбит Евангелием киһи киэнэ буолбатах, ¹² мин киһиттэн ылбатаҕым, киһиттэн үөрэммэтэҕим — Иисус Христос миэхэ бу Евангелиены Бэйэтинэн арыян биэрбитэ.

¹³ Мин урут иудей быһыытынан хайдах ололбутум, Танара Церковын хайдах кырыктаахтык сойуолаабытым, үрэйбитим туһунан эһиги истибиккит. ¹⁴ Оччолорго мин өбүгэлэрбит үгэстэрин туохтааѳар да дьулуһан туран тутуһарым, иудей быһыытынан бэйэм аѳам ууһугар биир саастыылаахтарбыттан үгүстэриттэн чорбойорум.

¹⁵ Дьэ онтон миигин ийэм иһигэр сылдыахпыттан талан ылбыт, амарах санаатыттан ынгырбыт Танара Бэйэтин үтөө көнүлүнэн ¹⁶ атын норуоттарга Евангелиены иһитиннэрээри, миэхэ Уолун көрдөрбүтүгэр, ол саѳана кими да кытта сүбэлэһэ барбатаҕым, ¹⁷ мин иннибинээѳи Апостолларга Иерусалимга аттамматаҕым, ол оннугар Аравияѳа барбытым, онтон эмиэ Дамаска төннүбүтүм. ¹⁸ Үс сыл буолан баран Кифаны көрсө Иерусалимга тиййэ сылдыбытым, онно киниэхэ уон биэс күн буолбутум. ¹⁹ Айыы Тойон быраата Иаковтан ураты атын Апостоллары кими да көрбөтөѳүм. ²⁰ Бу эһиэхэ суруйарым — барыта кыларыйар кырдык, Танара миэхэ туоһу буолуо.

²¹ Онтон Сириянан, Киликиянан сылдыбытым. ²² Христианнар Иудеятааѳы церковтара миигин сирэй билэ иликтэрэ, ²³ арай хаһан эрэ кинилэри сойуолаһааччы киһи билигин урут имири эһэ сатаабыт итэѳэлин тарѳатар сураѳын истэллэрэ эрэ. ²⁴ Онон мин туспуттан Танараны айхаллыыллара.

Атын Апостоллар Павелы билиниилэрэ

2 Онтон уон түөрт сыл буолан баран Варнаваны кытта Иерусалимга хат тийэ сылдыбытым, Тити эмиэ илдьибитим. ²Онно мин Тангара ыйытынан барбытым. Күрэххэ халтайга сүүрбүт биитэр сүүрэр буолумаары, церковь тутаах дьонун сирэй көрсөн, атын норуоттарга иһитиннэрэр Евангелиебын быһааран биэрбитим. ³Кинилэр бэл миигин кытта сылдыар Тити, грек кинитин, быһыллыы сиэрин-туомун толорорго күһэйэ саабабахтара. ⁴Оттон сымыа бырааттар тустарынан этэр буоллахха (кинилэр Христос Иисус биһиэхэ биэрбит көнүлүн уоран көрөн, кулут олоҕор төнүннэрээри, биһиги кэккэбитигэр сирэйдэрин саптан киирбиттэр), ⁵эһиги Евангелие кырдьыгын ыһкытыбаккыт туһугар, биһиги кинилэргэ биир да мүнүүтэбэ иннибитин биэрбэтэхпит. ⁶Биллэр-көстөр дьон урут ким-туох буола сылдыбыттарыгар мин суолта биэрбэппин, Тангара кинини киминэн-тугунан көрөн араарбат. Бас-көс дьон эмиэ миигиттэн атын тугу да ирдээбэтэхтэрэ; ирдихтээбэр ⁷иудейдарга Евангелиены иһитиннэрэр сорук Петрга сүктэриллибитин курдук, ону атын норуоттарга иһитиннэрэр сорук миэхэ итэбэйиллибитин көрөн ⁸(Петрга иудейдар ортолоругар Апостол сулууспатын толороругар Көмөлөһөөччү мин омуктарга ону толорорбор көмөлөһөрө), ⁹миэхэ Апостол буолар алгыстаах быраап бэриллибитин билиммиттэрэ. Онон биллэр-көстөр тутаах дьон — Иаков, Кифа, Иоанн буоланнар — биһиги атын омукка, оттон кинилэр иудейдарга барар бэлиэлэригэр Варнава биһикигэ доҕордуу илиилэрин ууммуттара. ¹⁰Кинилэр биһигиттэн бири эрэ — дьадангылары умнубат буолун диэн — көрдөспүттэрэ, мин ону өрүү кыһаллан туран толорорго дьулуһабын.

Павел Антиохияҕа Петры сэмэлиир

¹¹Онтон мин Петры, Антиохияҕа кэлэ сылдьан сэмэлэнэргэ төрүүт биэрэрин көрөммүн, аһаҕастык утарбытым. ¹²Иаков ыппыт дьоно кэлэ иликтэринэ, кини омук христианнарын кытта бииргэ аһыра, оттон Иаков дьоно кэлэллэрин кытта, иудейдартан сэрэнэн, кистэнэр, омуктартан тэйэ туттар буолбута. ¹³Атын иудейдар эмиэ кинилиин сирэй көрбөх быһыыламмыттара, ону бэл Варнава батыспыта. ¹⁴Көнө суолтан — Евангелие

кырдыгыттан — туоруулларын көрөн, мин, бары истэн турдахтарына, Кифажа: «Эн еврей эрээригин, иудейдартан атыннык, омук дьонун курдук, олорор буоллаххына, омук дьонун тоҕо иудей үгэһин тутуһарга күһэйэҕин?» — диэбитим.

Иудейдар да, омуктар да итэҕэллэринэн быһһаналлар

¹⁵ Биһиги «туора омук аһыыһаах-харалаах дьоно» буолбатахпыт, иудей буолан төрөөбүппүт. ¹⁶ Ол эрэри, киһи Сокуону тутуһан буолбакка, Иисус Христу итэҕэйэн эрэ быһһанарын билэн, биһиги эмиэ, Сокуону тутуһан буолбакка, Христоска итэҕэлбитинэн буруйбутуттан-аһыыһыттан быһһанаары, Христос Иису итэҕэйбиппит. Суруйууларга этиллэрин курдук, «Сокуон ирдэбиллэрин тутуһан биир да киһи быһһаныа суоҕа». ¹⁷ Оттон Христос өнгөтүнэн буруйтан быһһанарга дьулуһа сылдьан, биһиги, иудейдар, бэйэбит эмиэ аһыыһаах буолан хааллахпытна, оччоҕо ама Христос аһыыһа-хараҕа сулууспалааччы буолар үһү дуо? ¹⁸ Ким да иннэ диэн сатаммат. Оттон өскөтүн урут үрэйбиппин хат тута сатаахпытна, мин онон Сокуону кэспиппин эрэ көрдөрүүбүм. ¹⁹ Миигин Сокуон өлөрөн, мин аны мантан иннэ Танара туһугар олороору, Сокуонтан босхоломмутум. Мин Христу кытта бииргэ кириэскэ тиририлибитим, ²⁰ онон аны мин суохпун, арай мин сүрэхпэр Христос баар; оттон бу сирдээҕи олохпун миигин таптаабыт, мин туспар толук буолбут Танара Уолугар итэҕэлбинэн олоробун. ²¹ Танара үтө бэлэҕин мин киэр аспаппын; оттон өскөтүн киһи буруйуттан-аһыыһыттан Сокуону тутуһан быһһанар буоллаҕына, ол аата Христос суолтата суохха өлбүт буолан тахсар.

3 Оо, толкуйа суох галаттар! Эһиги Евангелиены истэргитигэр Иисус Христос, көрөн турдаххытына, тириллибит курдук ойуулааммыта буолбаат! Оччотугар ким эһигини итинник абылаата? ² Эһигиттэн бири билиэхпин баҕарабын. Сибэтиэй Тыны эһиги хайдах ылбыккытый: Сокуон ирдэбиллэрин толоронгут дуу, биитэр истибит үөрэххитин итэҕэйэннит дуу? ³ Ама эһиги Танара Тыныттан саҕалаан баран, киһи этэринэн мунгуданан хаалар быстах өйдөөххүт дуо? ⁴ Ама итиччэ элбэҕи халтайга тулуйбуккут дуо? Хайдах да оннук буолуо суохтаах! ⁵ Эһиэхэ Тыны бэлэhtiир, араас дыктилэри онорор Танара

ону Сокуон ирдэбиллэрин толороргут иһин онгорор дуу, биитэр Евангелиены истэн итэҕэйбиккит иһин дуу?

⁶ Авраамы да көрүң. «Авраам Тангараны итэҕэйбитэ, ол иһин Тангара кинини кырдыксыт киһинэн билиммитэ». ⁷ Итэҕэйээччилэр Авраам уолаттара буолалларын эһиги өйдүөхтээххит. ⁸ Итэҕэллэрин иһин Тангара атын норуоттары быһыһахтаабын Суруйуулар өтө көрбүттэрэ, онон «эйигинэн бары норуоттар алгыска тиксиэхтэрэ» диэн Евангелие тылларын аан маннай Авраам истибитэ. ⁹ Ол иһин итэҕэйээччилэр Тангараны итэҕэйбит Авраамы кытта алгыһы бииргэ ылаллар. ¹⁰ Оттон Сокуону тутуһууга эрэнээччилэр кырыыска тураллар, тоҕо диэтэххэ, «Сокуон кинигэтигэр суруллубуту барытын куруук тутуһа сылдыар эрэ киһи кырыыска турбат» диэн суруллубута. ¹¹ Сокуону тутуһан ким да Тангара иннигэр быһаһаммата дьэнгэтик көстөн турар — «кырдыксыт итэҕэлинэн тыыннаах буолуоҕа». ¹² Оттон Сокуон итэҕэлгэ сыһыана суох, тоҕо диэтэххэ, «Сокуон ирдэбиллэрин барытын толорбут эрэ киһи олоххо тиксиэҕэ» диэн этиллэр. ¹³ Христос Сокуон кырыыһын Бэйэтигэр ылынан, биһигини кырыыстан толуйан ылбыта (тоҕо диэтэххэ, «маска тириллибит ханнык баҕарар киһи кырыыска турар» диэн суруллубута). ¹⁴ Бу Авраамга эрэннэриллибит алгыс Христос Иисуһунан атын норуоттарга бэриллэн, биһиги эмиэ Тангара эрэннэрибит Тыһынын итэҕэлбитинэн ыларбыт туһугар, Кини биһигини босхолообута.

Сокуон уонна Эрэннэри

¹⁵ Бырааттарым, күннээҕи олохтон холобурдуом: киһи быраабыланы толору тутуһан, сөпкө суруйан хаалларбыт кэриэһин ким да көтүрбэт, онно сананы тугу да эбии киллэрбэт. ¹⁶ Оттон Авраамга уонна кини удьуоругар Тангара Бэйэтинэн эрэннэрэр тылын эппитэ. Кини ол этэригэр «кэнэҕэски ыччаттаргар» диэбэккэ, Удьуоргар диэбит буолан, үгүс киһи туһунан буолбакка, биир эрэ удьуор туһунан эппит, оттон бу Удьуор — Христос. ¹⁷ Онон мин этиэхпин баҕарабын: Тангара бигэргэппит Христос туһунан* кэс тылын күүһүн түөрт сүүс отут сыл буолан баран

* 3:17 *Христос туһунан* — сорох былыргы гректии илиинэн суруйууга бу тыллар суохтар.

үөскээбит Сокуон өһүлэн көтүрэр кыаҕа суох. ¹⁸Өскөтүн нэһилиэстибэ Сокуонунан бэриллэр буоллаҕына, эрэннэри эрэ күүһүнэн ону хайдах да кыайан ылбаккын; оттон Танара эрэннэрбит буолан, ону Авраамна бэлэхтээбитэ. ¹⁹Оччоҕо Сокуон туох соруктааҕый? Сокуон, буруйу оноруу элбэх буолан, эбии бэриллитэ, итиэннэ Танара эрэннэрбит Удьуора кэлиэр эрэ диэри, дьайар күүстээбэ. Сокуон Аанньаллар уонна тиксэрээччи киһи көмөлөрүнэн бэриллитэ. ²⁰Ол эрэри илии охсуһар икки өрүт баар эрэ буоллаҕына, тиксэрээччи тоҕоостоох, оттон Танара соҕотох.

²¹Ол аата Сокуон Танара эрэннэриилэрин утарар дуо? Хайдах да оннук буолбат! Өскөтүн дьонго олоҕу биэрэр Сокуон бэриллитэ буоллар, дьон аҥардас Сокуону тутуһан быһһаһа этилэр. ²²Суруйууларга этиллэринэн, аан дойду бүтүннүүтэ аһыһы былааһыгар киирэн сытар, онон итэҕэйэр эрэ дьон ол эрэннэриллибит Иисус Христоска итэҕэллэринэн ыһахтара.

²³Оттон итэҕэл кэлиэн иннинэ, итэҕэл арыллар кэмэ кэлиэр диэри, биһиги Сокуон хааччаҕар сылдыбыппыт; ²⁴Сокуон кытаанах иитээччи быһыһынан биһиэхэ сыһыарыллыбыта. Онон Христос кэллэҕинэ, итэҕэлбитинэн буруйтан быһһаһаары, Кини кэлиэр диэри, биһиги бу иитээччи көрүүтүгэр сылдыбыппыт. ²⁵Оттон билигин, итэҕэл кэмэ кэлбитигэр, биһиги иитээччи көрүүтүтэн таһыстыбыт.

Танара уолаттара

²⁶Онон Христос Иисуска итэҕэлгитинэн эһиги бука бары Танара уолаттара буолаҕыт. ²⁷Христостуун биир буолаары сүрэхтэммиттэр эһиги бука бары Христос курдук буолбуккут. ²⁸Аны иудей, атын омук, кулут, көнүл киһи, эр киһи, дьахтар диэн суох: Христос Иисуһу итэҕэйэннит эһиги бука бары биир сомоҕо буоллугут. ²⁹Оттон Христос киэннэрэ буоллаххытына, ол аата эһиги Авраам удьуордарынаҕыт, эрэннэриллибиккэ тиксиэхтээх нэһилиэнньиктэргит.

4 Өссө манныгы холобурдуум: нэһилиэнньик төһө да барытын бас билбитин иһин, сокуоннай сааһын ситиэр диэри кулуттан туох да уратыта суох: ²аҕата анаабыт болдьоҕо кэлиэр диэри, кинини көрөр-истэр дьонго, дьиз көрөөччүлэргэ бас

ГАЛАТТАРГА 4

бэринэр. ³Ол курдук биһиги эмиэ кыра сылдьан сир-халлаан күүстэригэр бас бэринэрбит; ⁴⁻⁵оттон туһааннаах кэмэ кэлбитигэр, Танара Сокуон анныгар сылдыаччылары толуйан ылан, биһигини оҕолорунан ааттаары, дыхтартан төрөөбүт, Сокуонга бас бэриммит Уолун ыппыта. ⁶Эһиги эмиэ Кини уолаттара буоларгыт бэлиэтигэр Танара эһиги сүрэххитигэр* «Авва, Аҕаа!» диэн ыгырар Бэйэтин Уолун Тыынын ыппыта. ⁷Онон эн аны кулут буолбатаххын, Кини уолунаҕын, оттон уола буоллаххына Иисус Христонуан** Танара нэһилиэнньигэ буолаҕын.

Павел дыксиниитэ

⁸Урут Танараны билбэт буолан, эһиги «танараларга» сүгүрү-йэргит, дынгэр, ол ханнык да танаралар буолбатах этилэр. ⁹Оччоҕо билигин эһиги Танараны билэр дыон, ордук чуолкайдык эттэххэ, Танара билэр дыоно, эмиэ туох туһуттан айылҕа мөлтөх, туох да көдьүүһэ суох күүстэригэр төннөөрү, кинилэргэ хат хабылаҕа киирээри ынаҕыт? ¹⁰Ханнык эрэ күнү, ыйы, кэм-кэрдийи, сыл кэрдиистэрин тутуһа сатыы сылдыаҕыт! ¹¹Эһиэхэ тийээн үлэлээбитим кураанахха хааллаҕа дуу диэн кэнникинэн дыксинэн да бардым.

¹²Бырааттарым, көрдөһөбүн: эһиги мин курдук буолун. Мин эмиэ эһигиттэн туох да атыным суох эбээт. Эһиги миигин туһунан да хомоппотоххут. ¹³Өйдүүр инигит, аан бастаан эһиэхэ Евангелиены иһитиннэрэ кэлэрбэр төһө эмэ ыалдыа сылдьан кэпсээбитим үрдүнэн, ¹⁴ыалдьар диэн сэнээбэтэххит, киэр хайыспатаххыт, хата ол оннугар Танара Аанньалын биитэр Христос Иисуһу көрсөр кэриэтэ көрсүбүккүт. ¹⁵Хайдах курдук дыоллоох этигитий ол саҕана! Кыаллара буолар, хараххытын да онгон ылан миэхэ биэрэргитин харыһыйбаккыт чахчы этэ. ¹⁶Дьэ уонна ити кэннэ кырдыгы этэммин эһиэхэ өстөөххүт буолан хааллым дуу?

¹⁷Сорох-сорохтор кирдээх санааттан, бэйэлэригэр тарда сатаан, эһиги тускутугар кыһаммыта буолаллар: кэнэҕэһин бэйэлэригэр

* 4:6 *Эһиги сүрэххитигэр* — сорох былыргы гректии илиинэн суруйууга «биһиги сүрэхпитигэр».

** 4:7 *Иисус Христонуан* — сорох былыргы гректии илиинэн суруйууга бу тыллар суохтар.

кыһалыннараары, эһигини миигиттэн тэйитэ сатыылар. ¹⁸Сыал-лара-соруктара үчүгэйэ буоллар, уонна мин баарбар эрэ буол-бакка, куруук да оннуктара буоллар, үтүнэн бэйэлэригэр тар-да сатыыллара туох да олуоната суох буолуо этэ. ¹⁹Оҕолоруом! Эһиги Христоска холоонноох буолуоххутугар диэри, мин эһи-гини хат төрөтөр талыыга ыллардым. ²⁰Оо, аттыгытыгар эбитим буоллар! Оччоҕо эһигинниин хайдах кэпсэтэрбин тобулуом этэ, оттон билигин эһигини хайдах өйдүөхпүн өйүм хоппот.

Агарь уонна Сарра

²¹Эһиги, Сокуон бурҕалдытын кэтиэххитин баҕарааччылар, этин эрэ миэхэ: ама эһиги Сокуон этэрин истибэккит дуо? ²²«Ав-раам икки уоллааҕа, биирэ — кулут дьахтартан, атына — көнүл дьахтартан» диэн онно суруллубут буолбатах дуо? ²³Кулут дьах-тартан төрөөбүт оҕо син оҕо барыта төрүүрүн курдук, төрөөбүтэ, оттон көнүл дьахтартан төрөөбүт оҕо Танара эрэннэриитинэн төрөөбүтэ. ²⁴Бу — ханалытан этии. Икки дьахтар — икки кэс тыл (икки сөбүлэһии) бэлиэтэ: биирдэстэрэ Синай хайатыгар этил-либит кэс тыл — ол кулут буолар дьону төрөтөр Агарь. ²⁵Кини — Аравияҕа баар Синай хайата, билинги Иерусалимы сирэйдээн бэлиэтиир, тоҕо диэтэххэ, Иерусалим оҕолорунуун кулут буолан олорор. ²⁶Оттон үһһээнги Иерусалим көнүл: кини — барыбыт ийэбит. ²⁷Суруйууларга этиллэр: «Үөр-көт, оҕото суох, төрөөбөт дьахтар! Өрөгөйдөө, төрүүр талыыны билбэтэх! Бырабыллыбыт дьахтар элбэх оҕолоох — эрдээх дьахтардааҕар оҕото элбэх».

²⁸Бырааттарым, эһиги эмиэ Исаак курдук эрэннэриинэн тө-рөөбүт оҕолоргут. ²⁹Ол эрэри хаһан эрэ эттэн-хаантан төрөөбүт киһи Тыынтан төрөөбүт киһини хайдах сойуоласпытай да, би-лигин даҕаны ол салҕанан бара турар. ³⁰Суруйууларга туох диэн этиллэрий? «Кулут дьахтар уолун үүрэн кэбис: кулут уола көнүл дьахтар уолун кытта хаһан да тэн бырааптаах нэһилиэнньик буолбат». ³¹Бырааттарым, биһиги кулут дьахтар оҕолоро буол-батахпыт, көнүл дьахтар оҕолорунабыт.

Христианнар көнүл буолуохтаахтар

5 Көнүл дьон буоларбыт туһугар, Христос биһигини босхо-лообута; онон чинник үктэнэн туруобун, кулуттааһын бур-ҕалдытын хат кэтимизбин.

² Мин, Павел, эһиэхэ этэбин: быһыллыы сиэрин-туомун толордоххутуна, эһиги Христостан тугу да туһаланыаххыт суоҕа. ³ Өссө төгүл сэрэтэбин: быһыллыбыт киһи Сокуону бүтүннүүтүн тутуһуохтаах. ⁴ Сокуону тутуһан быһһаныахпыт дии саныыр буоллаххытына, ол аата эһиги Христона суох хаалбыккыт, Танара үтөө бэлэбиттэн маппыккыт; ⁵ оттон Танара биһигини быһһа диэн эрэл санааны биһиэхэ Сибэтиэй Тыын итэҕэлинен инэрбитэ. ⁶ Биһиги Христос Иисуһу итэҕэйбит буоллахпытына, быһыллыбыппыт-быһыллыбатахпыт туох да суолтата суох, арай тапталынан дьайар итэҕэлбит эрэ суолталаах.

⁷ Эһиги сүүрэр түһүмэххитин бэрт үчүгэйдик саҕалаабыккыт эбээт. Оччоҕо бу ким эһигини тохтотон, кырдыкка бас бэриммэт буолан хааллыгыт? ⁸ Ким эһиги санааҕытын тосту ularытта? Эһигини Ыһырааччы буолбатаҕа чахчы. ⁹ «Кыра да аһытыы тиэстэни бүтүннүүтүн көтөҕөр». ¹⁰ Ол эрэри миигиттэн атыннык саныахтара суоҕа диэн, мин Айыы Тойонум иннигэр эһиэхэ эрэнэ саныбын; оттон эһигини бутуйааччы, ким да буолбутун иһин, буруйга туруоҕа. ¹¹ Бырааттарым, өскөтүн мин билигин даҕаны уруккум курдук быһыллыы сиэрин-туомун көмүскүү сылдыарым эбитэ буоллар, туох иһин миигин сойуолаһаа этилэрэй? Оннук эбитэ буоллар Кириэс кинилэргэ айдаан төрдө буолуо суоҕа этэ. ¹² Оо, кинилэри бэйэлэрин быһаттаан ылан, эһигиттэн киэр быраҕаллара буоллар!

¹³ Көнүлгэ ыһырыллыбыккыт эбээт эһиги, бырааттарыам! Көнүл эбиппит диэн, аһыынан-харанан эккитин-хаангытын көччүппэтэргит! Эһиги тапталынан бэйэ-бэйэҕитигэр көмөлөһүөхтээххит. ¹⁴ Сокуон бүтүннүүтэ «чугастааҕыын, бэйэбин таптыырын курдук, таптаа» диэн биир этиигэ түмүллэ сылдыар. ¹⁵ Оттон бэйэ-бэйэҕитин тырыта тытыһа, сизэхэ сылдыар буоллаххытына, сэрэнин эрэ, имири эстэйэҕит.

Сибэтиэй Тыын үмэтэ уонна киһи айылҕатын дьайыыта

¹⁶ Ол иһин эһиэхэ этэбин: Тыын ыйарынан олорун, оччоҕо эһиги сатарыйбыт айылҕаҕыт аһыылаах баҕатын толоруоххут суоҕа. ¹⁷ Биһиги эппит-хааммыт баҕата Тыыны утарар, оттон Тыын баҕата эппит-хааммыт баҕатын утарар: кинилэр хардарыта утарсар буоланнар, эһиги тугу баҕараргытыттан атыны

онгороѳут. ¹⁸Оттон Тыынга салайтарар буоллаххытына, эһиги Сокуон кулуттара буолбатаххыт.

¹⁹Киһи сатарыйбыт айылҕатын дыайыта биллэр: көссүүлэһии, содур быһыы, киртийии, кэрээнтэн тахсыы, ²⁰эмэгэттэргэ сүгүрүйүү, ап-хомуһун, өстөһүү, иирсээн, ордук санаһыы, уордайыы, кингнэнии, тыл тылга киирсибэт буолуу, хайдыһыы, ²¹абааһы көрсүү, өлөрсүү, арыгылааһын, үүнэ-тэһиинэ суох барыы, онтон да атын. Урут сэрэппитим курдук билигин да сэрэтэбин: итинник быһыыланааччылар Тангара Саарыстыбатыгар тиксибэттэр.

²²Оттон Тыын биһиги сүрэхпитигэр тапталы, үөрүүнү, эйэни-или, кытаанах тулууру, үтө санааны, амарах быһыыны, итэҕэли, ²³көрсүө-сэмэй майгыны, бэйэни кыатаныыны үөскэтэр. Манныгы дьүүллүүр сокуон суох. ²⁴Христос* үөрэнээччилэрэ эттэрин-хааннарын имэнгэри-дьалыннары барытын кириэскэ тиирбиттэрэ. ²⁵Онон Тыын көмөтүнэн олорор буоллахпытына, Тыын ыйарынан сылдыаҕын. ²⁶Бэрдимсийэр, бэйэ-бэйэбитин кыынныыр, ордук санаһар буолумуоҕун.

Сүгэхэрдэргитин сүксүһүг

6 Бырааттарым, өскөтүн ким эмэ аһыыны онордоѳуна, кинини эһиги духуобунай дьон, аһыыга киирэн биэрбэттии сэрэнэн, көрсүөтүк көннөрөр буолун. ²Бэйэ-бэйэбит сүгэхэрдэргитин сүксүһэн Христос сокуонун тутуһун. ³Оттон ким эмэ дуона суох эрэри, улаханлык сананар буоллаҕына, ол аата бэйэтин албыннанар. ⁴Хас биирдиигит бэйэбит быһыыгытын-майгыгытын көрүнэр буолун, оччоѳо атыттары көрө барбакка, бэйэбит ситиһиигитинэн хайҕанар кыахтаныаххыт. ⁵Хас биирдии киһи бэйэтин туһугар эппиэттиэѳэ.

⁶Итэҕэлгэ уһуйулар киһи уһуяаччытын кытта туох баардааҕынан үллэстэр буоллун.

⁷Бэйэҕитин албыннаныман: Тангараны элэк онгостубаккын. Киһи туох сиэмэни ыһар да, ол үүнүүтүн ылар. ⁸Сиэмэтин аһыылаах айылҕатын буолагар ыспыт киһи имирэн өлүүнү ылыаѳа, оттон Тыын буолагар ыспыт киһи бараммат олоххо

* 5:24 *Христос* — сорох былыргы гректин илиинэн суруйууга «Христос Иисус».

ГАЛАТТАРГА 6

тиксиэбэ. ⁹Үтүөнү онгоробутун тохотумуоѳун: мөлтөөн-ах-саан биэрбэтэхпитинэ, кэмэ кэллэѳинэ өлгөм үүнүүнү ылыах-пыт. ¹⁰Онон бириэмэ өссө баарын тухары, бар дьонго үтүөнү онгоро сылдыаѳын, ордук биир итэѳэллээхтэрбитигэр кыһал-лыаѳын.

Түмүк сэрэтиилэр

¹¹Аны бу, көрөргүт курдук, бэйэм илиибинэн үгүһү суруйан эрэбин. ¹²Дьонго бэрт буола сатааччылар Христос Кириэһин туһуттан сойуолаһыга түбэспэт эрэ иһин, эһигини быһыларга күһэйэллэр. ¹³Быһыллааччылар бэйэлэрэ да Соқуону тутуспат эрэри, эһигинэн хайѳанан кэпсэнээри, эһиги быһыллыаххытын баѳараллар. ¹⁴Оттон мин Айыы Тойоммут Иисус Христос Кириэһиттэн ураты атын тугунан да хайѳаныахпын баѳарбаппын. Миэхэ бу Кириэскэ аан дойду бүттүүнэ тиириллэн турарын тэнэ, оттон бу дойду хараѳар мин эмиэ тиириллибит тэнэбин. ¹⁵Христос Иисуһу итэѳэйэр буоллаххына* эн быһыллыбытын-быһыллыбатаѳын туох да суолтата суох, Танара сана айым-һыта буолбутун — ол эрэ суолталаах. ¹⁶Бу быраабыланы туту-һар дьонго уонна Танара Израилыгар эйэ-ил, аһыныгас сы-һыан тосхойдун.

¹⁷Аны инникитин ким да миигин хомоппотун: мин эппэр Айыы Тойон Иисус бэлиэтин** илдэ сылдыабын.

¹⁸Бырааттарым, Айыы Тойон Иисус Христос илгэлээх үтүөтэ эһигинниин бука барыгытыныын энгээрдэһиэхтин. Аминь.

* 6:15 *Христос Иисуһу итэѳэйэр буоллаххына* — сорох былыргы гректии илиинэн суруйууга бу тыллар суохтар.

** 6:17 *Айыы Тойон Иисус бэлиэтин* (грек. «стигмата») — Христос туһунан үөрэтэрин иһин, уһуктааѳынан быһыта тытан, биитэр итии тимиринэн сиэтэн накаастаабыт баастарын чэрэ буолуон сөп.